



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola IX. Innocentii Papae II. Ad Rogerivm Siciliae Regem. Regium
titulum illi ab Honorio concessum confirmat.

urn:nbn:de:hbz:466:1-15588

98 INNOCENTII PAPÆ II.

i. Reg. 15. cum vobis iampridem literis apostolicis præceperimus, vt
venerabili fratri nostro Fulcherio Tyrensi archiepiscopo,
metropolitano vestro, obedientiam & reuerentiam exhibe-
retis, quasdam occasiones & interpretationes minus
idoneas pretendendo, id facere contempsistis: cum uti-
que quasi peccatum ariolandi sit repugnare, & quasi sce-
lus idololatriæ nolle acquiescere. Mandamus itaque vo-
bis, & auctoritate apostolica iterato præcipimus, quate-
nus omni occasione submota eidem fratri nostro de cete-
ro pareatis: nec sub obtentu obedientiæ, quam alicui pri-
mati dependitis, sibi subiectionem & reuerentiam me-
tropolitano vestro debitam aliquatenus subtrahatis. Quod
si contemptores vterius extiteritis, sententiam, quam
idem archiepiscopus in vos canonice protulit aut protule-
rit, nos auctore Domino ratam habebimus. Si vero pro eo
quod eidem fratri nostro obdieritis a patriarcha Hiero-
folymitano aliquid contra vos fuerit constitutum, nos
eamdem sententiam viribus carere decernimus, & nullius
momenti esse censemus. Data Laterani, decimo sexto Ka-
lendas Februarii.

EPISTOLA IX.

INNOCENTII PAPÆ II.

AD ROGERIVM SICILIÆ REGEM.

Regium titulum illi ab Honorio concessum confirmat.

*Innocentius episcopus seruus seruorum Dei carissimo in Christo
filio Rogerio illustri & glorioſo Siciliæ regi,
eiusque heredibus, in perpetuum.*

Quos dispensatio diuini consilii ad regimen & salutem
populi ab alto elegit, & prudentia, iustitia, aliarumque
virtutum decorum decenter ornauit, dignum & rationabile
est, vt sponsa Christi, sancta & apostolica Romana mater
ecclesia, affectione sincera diligat, & de sublimibus ad su-
blimiora promoueat. Manifestis siquidem probatum est
argumentis, quod egregiæ memoria strenuus & fidelis mi-
lites beati Petri Robertus Guiscardus prædecessor tuus dux
Apuliæ magnificos & potentes hostes ecclesiæ viriliter ex-
pugnauit, & posteritati suæ dignum memoria nomen &

imitabile probitatis exemplum reliquit. Pater quoque tuus illustris recordationis Rogerius per bellicos fudores & militaria certamina inimicorum Christiani nominis intrepidus extirpator, & Christianæ religionis diligens propagator, vt pote bonus & deuotus filius, multimoda obsequia matri suæ sanctæ Romanæ ecclesiæ impertivit. Vnde & prædecessor noster religiosus & prudens papa Honorius nobilitatem tuam de prædicta generositate descendantem intuitus, plurimum de te sperans, & prudentia ornatum, iustitia munitum, atque ad regimen populi te idoneum esse credens, valde dilexit, & ad altiora prouexit. Nos ergo eius vestigiis inhærentes, & de potentia tua ad decorum & vtilitatem sanctæ Dei ecclesiæ spem atque fiduciam obtinentes, regnum Siciliæ, quod vtique, prout in antiquis refertur historiis, regnum fuisse non dubium est, tibi ab eodem antecessore nostro concessum, cum integritate honoris regii & dignitate regibus pertinente, excellentiæ tuae concedimus, & apostolica auctoritate confirmamus. Ducatum quoque Apuliae tibi ab eodem collatum, & insuper principatum Capuanum, integre nihilo minus nostri fauoris robore communimus, tibique concedimus. Et vt ad amorem atque obsequium B. Petri apostolorum principis, & nostrum, ac successorum nostrorum, vehementius astringaris, hæc ipsa, id est regnum Siciliæ, ducatum Apuliae, & principatum Capuae, heredibus tuis, qui nobis & successoribus nostris, nisi per nos & successores nostros remanserit, ligium homagium fecerint, & fidelitatem quam tu iurasti iurauerint, tempore videlicet competenti, & loco non suspecto, sed tuto nobis & ipsis, atque salubri, duximus concedenda: eosque super his quæ concessa sunt, Deo propitio, manutenebimus. Quod si per eos forte remanserit, iidem heredes tui nihilo minus tenent quod tenebant sine diminutione. Census autem, sicut statutum est, id est sexcentorum scifatorum, a te tuisque heredibus nobis nostrisque successoribus singulis annis reddatur, nisi forte impedimentum interueniat: remouente vero te impedimentum nihilo minus persoluetur. Tua ergo, fili carissime, interest ita te erga honorem atque seruitum matris tuae sanctæ Romanæ ecclesiæ deuotum & humilem exhibere, ita temetipsum in eius opportuni-

Concil. Tom. 27.

N ij

100 INNOCENTII PAPÆ II.

tatibus exercere, ut de tam deuoto & glorioſo filio ſedes apostolica gaudeat, & in eius amore quiescat. Si qua ſive ecclesiastica ſeculariſve potentia huic noſtræ confeſſio- ni temere contraire tentauerit, donec præumptionem ſuam satisfactione coercedat, indignationem Dei omnipo-tentis & beatorum Petri & Pauli apoftolorum eius incur- rat, &, quoſque refipuerit, anathematis ſententia per- cellatur. Amen.

Ego Innocentius catholicae ecclesiæ epifcopus.

Ego Albericus Ostiensis epifcopus.

Haimericus sanctæ Romanae ecclesiæ diaconus cardinalis.

Datum in territorio * Mamanenſi per manum Haime-
rici cancellarii vi. Kalendas Auguſti, indiſtione ſecunda,
incarnationis dominicae anno millesimo centefimo trige-
ſimonono, pontificatus vero domini Innocentii papæ ſe-
cundi anno decimo.

EP I S T O L A X.

INNOCENTII PAPÆ II.

AD HENRICVM SENONENSEM ET RAINALDVM
RHEMENSEM.

De Abailardo & Arnaldo damnatis, & monaſterio includendis, librisque eorum comburendis.

T EſTANT E Apostolo, &c. Extat in Conſilio Seno-
nenſi ſub Innocentio II.

EP I S T O L A XI.

INNOCENTII PAPÆ II.

AD SAMSONEM RHEMENSEM, HENRICVM
SENONENSEM, ET BERNARDVM ABBATEM
Claræuallenſem.

Eiusdem argumenti.

P RÆSENTIA ſcripta, &c. Extat in fine Conſilii Latera-
nenſis generalis inſra ſub Innocentio II.